

Aoaoga e uiga i le Lagolagoina o i Latou ua Valaauina e Taitai

Vaega 1

Sa aoao mai Peresitene Henry B. Eyring o le Au Peresitene Sili:



Atonu o lou taitai i le Ekalesia a le Alii e foliga mai ia te oe e vaivai ma ua na o se tagata soifua, pe foliga mai foi e malosi ma musuia. O le mea moni o taitai uma o se su'ifefloi o na uiga ma isi. O le mea e fesoasoani i auauna a le Alii o e ua valaauina e taitai i tatou pe a tatou taumafai e vaai atu ia i latou faapei ona silasila atu ai le Alii pe a la valaauina i latou.

E silasila atu atoatoa le Alii i Ana auauna. E silasila atu i o latou gafatia ma o latou lumanai. Ma Na te silafia le ala e mafai ona suia ai o latou natura. Na te silafia foi le ala e mafai ai ona latou suia e ala i aafiaga ma tagata o le a latou ta'ita'ia. . . .

. . . Afai e te faatuatua e taitai e le Alii Lana Ekalesia e ala i faaaliga i na auauna le atoatoa Na te valaauina, o le a tatala e le Alii pupuni o le lagi ia te ia, e faapei foi ona la faia ia te outou. (Henry B. Eyring, "E Taitai e le Alii Lana Ekalesia," *Liahona*, Nov. 2017, 83–84)

Vaega 2

Na saunoa Brother Stephen W. Owen, o le sa avea muamua ma Peresitene Aoao o Alii Talavou:



E i ai taimi i lou olaga o le a valaauina ai oe e taitai. I nisi taimi, o le a faamoemoe e te mulimuli. Ae o la'u savali ia te outou i lenei aso po o le a lava lou valaauga, o oe lava o se taitai, ma o oe foi o se soo. O le taitaiga o se faailoaga o le avea ma soo—ua na o se mataupu lava o le fesoasoani i isi ia o mai ia Keriso, o le mea lea e fai e soo moni. Afai o loo e taumafai e avea ma se soo o Keriso, ona mafai lea ona e fesoasoani i isi e mulimuli ia te la ma e mafai ona avea oe ma se taitai.

O lou tomai e taitai e le sau mai se uiga o le faamasani, tomai e faagaeetia, po o se taleni mo le tautala i nofoaga lautele. E sau mai lou tautinoga ia mulimuli ia Iesu Keriso. (Stephen W. Owen, "O Taitai Sili o Soo Sili Ia," *Liahona*, Me 2016, 75)

Vaega 3

Faitau fuaiupu nei:

Mataupu Faavae ma Feagaiga 107:22 (Matau auala ua aoao mai ai e lenei fuaiupu i tatou e lagolagoina le Au Peresitene Sili. Mafaufau pe mafai faapefea e nei auala e lagolago ai ona faaoga foi isi valaauga.)

Esoto 17:9–12 (Matau le ala na lagolagoina ai Mose a o tau Isaraelu ma tagata o Amaleka.)

Vaega 4

Na aoao mai Brother Stephen W. Owen, o le Au Peresitene Aoao o Alii Talavou:



O [Iesu Keriso] o se taitai sili *ona* o Ia o le soo sili—na Ia mulimuli ma le atoatoa i Lona Tama, i mea uma. (Stephen W. Owen, “O Taitai Sili o Soo Sili Ia,” *Liahona*, Me 2016, 75)

A o e faitauina nei fuaiupu, matau auala na mulimuli ai Iesu i Lona Tama ma auala na faamalosia ai Iesu a o Ia faia.

Luka 22:41–43

Ioane 12:49–50